

兩  
朝  
憲  
章  
錄

兩朝憲章錄卷之六

汝寧府光州儒學訓導臣吳瑞登編述

嘉靖十一年壬辰春正月庚戌朔

庚午戶部尚書李瓚

卒辛未始行祈穀禮丁丑南京戶部尚書鄧璋卒賜

祭葬贈太子太保璋涿州人為逆瑾所構下獄後瑾誅出

之致仕仍撫河南計勦流賊總制陝西擊敗套虜經畧哈

密土魯番遂致納款前後以功屢受勅獎甲寅詔大同

等邊立義塚凡陣亡軍民及凶歲死亡無主者俱令有司

收瘞仍降文諭祭從御史徐汝圭奏也二月己亥南京

禮部尚書江淵卒謚文昭己酉召還大學士張孚敬先

具疏馳謝

上優詔報聞

三月庚戌以

獻皇所製

春堂詩傳訓三篇御書大篆

上所製祖德詩敬一箴欽

天記誦及內府書籍賜尚書王瓊王憲等

戊辰

上御

奉天殿賜林大欽等三百二十人進士及第出身有差

四月癸巳金星晝見

五月庚戌吏部言頃奉三途並用明旨誠立賢無方之意

第撫按所薦者進士常十之七八舉人才百之二三歲貢

則絕不齒及雖欲並用何由憑據請令撫按無問舉人歲

貢拔其優異者以薦本部覈實奏請詔可

壬子兵部左

侍郎潘希曾卒希曾金華縣人為兵部給事中忤逆璽矯

制廷杖削籍為民瑄誅復職後提督南贛屢殄巨寇北治河築長堤濬支河漕運遂通平生職務自盡恬于進取居南太常凡六年貳卿且三年不以滯留介意有大臣之風卒贈兵部尚書庚申南懋提督都御史陶諧奏南懋徃役比各處煩重河夫機兵打手富户力士等項名色為多乃編審里甲之時復有曠丁銀兩及供億諸費甚為不經乞通天下罷免各項名色與民休息仍令有司均徭平賦編審之時毋得妄有誅求其法外作奸者論如法上從之

臣按洪武冊籍十年一造官府按冊籍以定差役脫

漏戶口者有禁變亂板藉者有禁審役者不得差貧  
賁富輸役者不得避重就輕可謂詳盡矣然歲久弊  
生其法大壞今當若何所謂均徭者可于江南而  
所謂條鞭者可于江北何也江南縣大民衆十年  
而一役之猶或可待江北縣小民寡即三四年而已  
一周矣不行條鞭豈能持久乎今觀江南糧役亡身  
破家固困也而江北雜差頗無休息亦困也南顧名  
色多而徭役重其雜差之故耳近者條鞭法行槩筭  
丁田總括衆役每夏稅秋糧計田一畝納銀止于二  
分三分民自樂于征輸而官不勞于督理編審之時

更無分外誅求官民兩獲其便陶珙南蕙之憂可無慮矣

丙子原任太子太保吏部尚書方獻夫應召詔同張孚敬等入內閣辦事已卯戶部覆御史張惟恕奏國家屯政疆界冊籍俱已定正邇來疆界混冒冊籍不明田歸豪室賦累貧軍大非分屯之舊宜及今嘉靖之初比照民田黃冊事體凡屯田歲入悉登冊籍人給一券十年一查上是其言甲申詔封劉基九世孫瑜為誠意伯予誥券世襲戊戌御史徐汝圭上兵食疏言延綏宜漕石州保德之粟自黃河而上楚粟由鄖陽沅陽由漢中以達於陳宣

大宜二麥將登多方糴置及轉糴山西山東河南三邊則  
西運易州南運鄆城北運居庸以爲紫荆倒馬白羊等口  
之備皆當招商賃車給食于官兵西路萬全右衛懷安衛  
與天城陽和相近宜選補于此以爲臨期之援東路永寧  
等處則護衛宣府以爲調遣之援北直隸八府責令召募  
勇敢設法練習以爲關邊遠近之援榆林山陝遊兵各於  
本處分頭遙制如此則糧有餘備兵有軍力一旦有警從  
容調發不至如曩時之煩擾矣報可 七月壬子南京兵  
部尚書王廷相條陳江防事宜一留太倉兵備一員督理  
海濱以備盜一禁造沙船興販私鹽使之肆其標掠一港

口要害之地宜復置巡船一眷捕操江以時巡歷江道其  
新江口宜設官軍以聽調遣得旨兵備官不必設餘如議  
行 壬戌廣東僉事龔大綏劾奏吏部尚書方獻夫及守  
制詹事霍韜家居籠利投獻等事獻夫自辯 上優詔答  
之令大綏回籍間往黜為民 丙寅太子太保吏部尚書

王瓊卒贈少保謚恭襄瓊倜儻多大節居官所至有聲遇  
事敢為應機立斷初若不經思者然所指揮即的然可經  
久不易正德末年天下多事瓊典本兵多所調度逆濠之  
變慷慨陳計中外恃以無恐撫定羗夷中固封守西陲允  
賴特任數御物陷于傾巧士亦以此少之 己巳詔大學



士方獻夫掌吏部事

甲戌國子監啓聖祠成

八月丙

子 上體違和數不視朝鴻臚官因請領繳勅書及辭見

人員暫受事左順門後因循遂為定制于是禮部尚書夏  
言以為廢上下之禮非臣子之心所安 上深然之仍遵

舊制行如遇雨雪風寒三五日不視朝並令候代若免朝  
日久方准受命左順門著為令 丁丑歷代帝王廟成

己卯彗星見東井芒長尺餘後東北行歷天津星宿芒漸  
長至丈餘掃太微垣諸星及角宿天門至十二月甲戌凡  
一百十五日而滅 黃河決魚臺河道都御史戴時宗欲  
築魚臺為受水之渠因而導之使入昭陽湖過新開河出

留城金溝境山等處乃易為力詔廷臣會議乙未侍講  
學士廖道南陳二議一曰復史記夫左史記事右史記言  
古制皆然太祖之設起居注仁宗之開弘文館並師  
此意自宣德後相權重史職輕而起居注遂廢矣今宜選  
翰林中學識優異者俾兼起居日記言動以至邦有大政  
民有大情皆令書之則史職不為虛設矣二曰儲史官昔  
太祖開文華殿選諸進士讀中秘書以學士教之當時  
如解縉輩並為名臣有裨治體成祖諭曾瑄等以立志  
須遠大之語而是科得人最盛近乃廢而不講使匪人備  
員宜令九卿科道官各舉所知凡學問該博敦行孝友者

召試館職則史官不至缺人矣、上嘉其言下所司知之  
王鑿曰前代修史左史記事右史記言宮中有起居  
注如晉董狐齊南史皆以死守職司馬遷班固皆世  
為史官故通知典故親見在廷君臣言動而書之後  
世讀之如親見當時之事我朝翰林皆史官立班  
雖近螭頭然亦遠在殿下成化以來人君不復與臣  
下接見事亦無可紀者凡修史則集諸司前後奏牘  
分為六科十館事煩者為二館以年月編次雜合而  
成三品以上乃得立傳亦不過紀出身官階遷秩而  
已間有褒貶亦未必盡公後世將何所取信乎

臣讀虞道南一疏又讀王荅長語乃知史記不復史官不儲為我明缺典也世宗嘉其言而所司未見諸行亦柰何哉我太祖嘗設起居注宮維時宋濂吳沉詹同王禕居其職日侍左右紀錄言動觀大明日歷洪武聖政記蓋一代之信史也其後左右無史官宮中無起居注又安有世掌其職者噫法宮遠在天上禁門殊絕人間即有嘉猷懿行何所考掇而縱或過言過動亦何所懲戒自萬曆三年內閣題准令日講官日輪一員專記起居錄聖諭詔勅冊文等項其諸司章奏另官編述月終一纂歲終入匱亦庶

手稽古定制而得我太祖遺意矣噫官至三品始得立傳假使有周惇頤張載者亦遂泯滅乎必如宋史乃為無遺而人亦無不激勵矣况出身遷秩豈係重輕而褒貶其人未必盡公又何取乎

辛丑禮科給事中魏良弼引占書上言彗星晨見東方是君臣爭明彗孛入井姦臣在側張孚敬竊弄威權驕恣專橫妖星示異實惟所召乞亟罷免疏入報聞孚敬奏辯亦報聞于是兵科給事中秦鰲劾孚敬強辯飾姦媚嫉愈甚不去孚敬天意終不可回也上覽奏曰秦鰲之言實出忠讜令孚敬自陳狀准致仕去九月己酉戶部尚書遂

貢卒貢歷城人工於詩與北地李夢陽信陽何景明力追  
古作一變至雅然耽於詩酒憲臣劾其居官不事事而海  
內文士爭向慕之 丁巳講官侍讀學士吳惠郭維藩進  
講惠言省無益之費罷得已之後維藩言去操切更張之  
弊務敦厚博大之體上諭李時問之令條列以聞惠言今  
民窮財盡而宮殿興作不已採木燒磚大為川廣蘇常之  
患此宜停罷各省歲辦物料宜勅有司准以拆色解京從  
宜置辦毋使民困于徵解之苦此宜節省維藩言士風漸  
漓以講張為變通以安靜為黷以嚴急為才幹以寬厚為  
無能乞于各衙門條陳之言擇其籌慮深長可經久者方

賜施行毋徇操切之論致使求人太過立法太嚴疏上各  
報聞二臣有所指切上亦不之罪也庚申上召見  
輔臣李時等于文華西室諭以星變修省之意時條三事  
一曰務安靜言宜勅群僚遵奉舊章各安職守勿過論以  
為高勿趨利以競進二曰惜人材言臣工觸冒刑章者或  
出于朴忠發于狂直或昧于變通失于過誤乞勅吏部非  
坐贓濫者稍加甄別庶乎人材保全三曰慎刑獄言近日  
刑官深刻自明鍛鍊求合事本不大而重參兩請事實無  
干而羅織逮繫乞勅法司痛革前弊苛刻者奏請除名淹  
滯者考覈降調則欽恤之仁達于天下而災沴可弭矣

上令從實舉行 辛酉改文選司郎中王道為左春坊左

諭德 甲子御史李朝綱言內臣鎮守地方本非令甲頃

陛下因大同失事罷太監張仲遄人無不舉手相慶嗣後

請不差補以杜民患從之 十月辛巳金星晝見于辰位

甲申編修楊名丹上疏言吏部尚書汪鉉小人之尤武

定侯郭勛奸回之性而 陛下用之是 聖心偏于喜也

建言之臣終于廢棄是 聖心偏于怒也工作屢興所至

騷然民無寧日禱祠累舉輒信末術不惜靡費 上大怒

令鎮撫司用刑考訊鉅具疏謂名四川人與楊廷和同里

思為報復 上益怒命究主使名頻死無所指兵部侍郎



黃宗明上疏救名信名萬一致死不免為仁明之累上  
愈怒以宗明即主使之尤者併鞫之法司再議皆不當

上乃特旨定名謫戍宗明調外任甲午吏部尚書廖紀

卒紀東光縣人端亮方朴一切世味不入其心居閒以文

籍自娛孜孜著述晚歲猶不倦卒謚僖靖丙申御史郭

弘化以彗出東井必土木煩興所致請停不急之工罷採

木採珠之令則彗滅而前星耀矣戶部尚書許讚言弘化

言宜聽上怒黜為民直隸巡按馮恩上疏言張孚敬

之奸久露汪鉅方獻夫之奸不測陛下去張孚敬而不

去此二人天下之事未可知也臣謂張孚敬根本之彗也

汪鉅腹心之彗也方獻夫門庭之彗也三彗不去則百官  
不和疏上命錦衣衛官紐械來京問十一月庚戌工部  
尚書趙璜卒璜安福人有幹局以才見稱而孜孜奉公士  
論許之卒謚莊靖甲寅四川巡撫宋滄獲白兔於梁山  
縣以獻汪鉅等各獻詩賦上優答之辛酉清穀殿翠  
芳亭錦芬亭寶月亭工成辛未復除編修羅洪先原職  
辛巳兵部尚書陶琰卒謚恭介琰為兵部右侍郎時逆瑾  
用事會陝西遊擊徐謨厚賂瑾欲陷御史李高乃訐奏高  
不法事詔覈之琰盡得謨誣罔狀具以實聞瑾大怒矯詔  
下琰獄又以他事罰米百石納絳州預備倉三百石令親

詣大同上納璫誅詔釋之後陞今職乞休疏十上乃許之  
琰為人質諒諄謹直道而行不以進退為喜怒言不詭激  
事不避難一時稱為名德卒年八十有四甲午歲暮行  
大祫禮于太廟

嘉靖十二年癸巳春正月甲辰朔丙午河南巡撫吳山  
獲白鹿于靈寶縣以獻禮部尚書夏言請告獻太廟

世廟許之丙辰遣鴻臚寺少卿陳璋召致仕大學士張  
孚敬復任己巳自去歲十月以來薊鎮渤海所大峪關  
等處時有零虜窺犯悉以望前後月明時昏進曉出初未  
敢深入十一月中虜四五騎掠鎮虜墩時千戶谷壽百戶

郭禪率衆百餘人襲之出塞十餘里陷虜伏中而殺虜益無忌由冬及春入寇無慮十四五次每入不過數十人或經日不去分守密雲叅將袁繼勲異輒特苦擁衆閉壘任虜縱橫軍有憤而請戰者輒割其耳虜知其不足憚徜徉去來昌平懷柔密雲間甚被其害上詔捕繼勲下獄罪

以首論辛未左都御史王璟卒璟沂州人性和恭所歷多憲職不以風裁自著而人稱為長者卒謚恭肅二月戊辰土魯番速壇滿速兒以三事奏請一欲治先任都御史陳九疇罪二欲遣人和番三欲歸彼降人牙木蘭兵部言黜夷瀆奏漸不可長請傳諭宜修職貢毋得招譴甲

牛禮部左侍郎湛若水進所輯古文小學 上褒答之

庚子戶部尚書孫交卒交鍾祥縣人志行修潔識量宏遠  
居官務舉其職無所遜避故所至稱賢其再典戶部承正  
德末年公私匱乏之餘裁冗食立經制及致仕二十餘年  
清標耆德卓然為海內望云 三月乙巳初開經筵 士

子禮部尚書夏言撰述四郊禮儀疏以上 上覽之褒其

愛君守正著集精詳名其書為郊禮通典賜言白金襲衣

綵段 丙辰 上臨幸大學釋奠先師孔子以大學士李

時等分獻遣侍郎周用祭啓聖公禮成 上御彞倫堂祭

酒林文俊講虞書益稷篇司業馬汝驥講易頤卦賜坐講

畢上宣諭諸生曰治平之道備在六經諸生宜講求力行以資治化 壬午衍聖公孔開韶率三氏子孫祭酒林文俊率學官諸生上表謝恩 上賜開韶以下衣帶文俊以下襲衣寶鈔仍賜宴于禮部 庚申侍講學士廖道南獻 聖主臨雍崇教頌優詔褒答之 庚午應天巡撫陳軾得白兔于無錫縣以獻 上曰白鹿鵲兔行獻賀自後有疊至重出者不必舉獻賀之禮禮部宜明示天下勿來獻于是尚書汪鈞作詩三章美 上謙冲之德 上褒答焉 四月丙子提督總兵張輓奉勅統兵赴薊鎮勦寇奏言薊州一鎮分為四派雖俱根本藩籬而密雲一路切近

黃花鎮渤海所天壽山諸陵外薄虜巢距京師一日而近  
實為要害而本鎮地廣兵少不敷戰守其潮河川古北口  
乃殘元歸路廣可千騎方行尤當加備近者三衛乘隙竊  
發道路益闕萬一勾煽北虜擁衆深入即徵調人馬策應  
恐緩不及事願及今無事時預飭防禦謹條便宜六事一  
補缺伍二選丁壯三增墩臺四嚴哨探五併村落六挖穿  
坑從之戊子以南京兵部尚書王廷相為左都御史  
庚辰戶部尚書劉璣卒璣咸寧人為戶部員外郎時詔大  
臣堪舉治郡者許進薦璣陞瑞州知府郡有盜璣單騎入  
寨召渠魁諭以禍福衆羅拜泣下璣留寨中信宿飲食寢

處示以不疑盜遂悔悟解散正德初劉瑾用事多引用鄉人恐衆論不服以瑾爲人望欲引以爲重自知府擢太僕寺卿不三歲至戶部尚書瑾累疏不允自以爲瑾所引居常鬱鬱不自得乃日飲酒自廢瑾欲與言輒醉不對瑾誅上章自劾去既歸里環堵蕭然不蔽風雨緼袍脫粟以耕讀爲樂每出入乘羸駒一僕自隨鄉人慕之多畱繪其像云五月丁未吏部追叙吳仲通惠河功從處州知府陞湖廣布政司左叅政庚戌行取服闋詹事霍韜復任丙辰禮部尚書夏言言大雩之祀宜奏雲門之舞雲門者乃帝堯之樂取其雲出天氣雨出地氣也六月辛巳彗



星見于五車芒長五尺餘尾指西南 巳亥彗星掃大陵

及天大將軍芒長大餘 七月庚午 上以翰林侍從人

少詔吏部博求方正有學術為衆望所歸者充其選于是

部臣疏吏部考功司主事唐順之為翰林編修以順之等

十人名上詔七人改補如擬三人報罷 八月辛未朔日

有食之 癸酉都御史王廷相因考察差四御史條例六

事以聞一御史職在除奸革弊今天下官邪民玩甚矣而

御史出巡祇作威福以聳觀聽罔事咨詢以察下情自今

該部但有姦弊發覺即置之法以肅風紀一御史職在申

寃理枉今權門利害如響富室財賄通神銚口奪于佞詞

人命輕於酷吏故多偏濫自今務虛心推鞠但有冤獄弗拘成案即與辨明一御史職在激濁揚清近所奏薦不問人品高下心術真妄第取趨承供張之辦給者以為能至於論劾類以一二質訥少文者塞責其奸貪熹耗反以私意掩之自今宜覈實考察舉刺必合公議一御史所奏勘合公文類皆重大事情及官民冤狀其漫無才智者悉廢閑不省而利巧偏私者每遇事干利害即推避稽留以致竟無歸着今須一一勘明銷繳其最後二月付之代者勘報一御史責在清修簡靜通者按部所出導從如雲而又多挾屬吏供億不貲自今宜省約騎從禁止迎送屬吏

亦毋越境參隨。以為民擾。一撫按責在協和。共襄王事。通者動以小忿。遂致構嫌。多以按臣不遜致之。自今按臣之於撫臣。無論食副。必側坐。後班以正體統。其有不遜如故者。即以不諳憲體奏請降調。上嘉之。乙丑。皇上第一子生。乙酉。以皇嗣生詔告天下。九月。薦西苑新稻于內殿。戊申。召禮部考皇子廟見命名諸儀。因勅曰。皇子命名。本朝皆有勅諭。夫方未一歲。尚不知事。而賜之勅。是虛文也。不如待其知事。然後教之。又禮曰。父命之名。朕又思之。必當告于祖考。然後可以命子。夏言曰。命名之日。倣古人見子之儀。特發一二天語而賜之。

名不用降勅至告于祖廟而後命予亦宜創制以備一代之禮乘法萬世

臣按降之勅諭者是周家衣裳弄璋之意重之也

祖制之善也先告於祖而後命之名者是承前啓後之義尊之也世宗之善也

十月壬申浙江台溫寧波等府並海諸縣俱有海賊登岸劫掠官軍禦之惟海門衛指揮楊淮差有斬獲功餘多不利賊勢益熾巡按御史謝蘭以聞丙子詔逮建昌侯張延齡下刑部獄論死革昌國公張鶴齡蘇降南京錦衣衛指揮同知帶俸閒住鶴齡延齡皆慈壽皇太后弟先朝

憑藉寵靈恣肆驕橫正德中日者曹祖有子昂為延齡奴  
父子不相能祖奏延齡等與子昂陰謀不軌指擬司聰負  
延齡五百金索之急遂拾曹祖所首事為疏以訴人陰事  
下刑部勘鞫得擅買違制田宅及杖殺僧婢司聰事有證  
其陰謀不軌事歲遠無左驗尚書聶賢等以應議親臣具  
獄辭讞上上怒曰延齡罪在十惡其跡甚明宜從重罪  
第告變人亡無從質證今但以多殺無辜僭肆不法之罪  
誅之鶴齡同惡相濟姑革其爵聶賢不奉公秉法姑奪俸  
半年是夜流星如盡大赤色光明照地起自中台東北行  
至近濁尾跡化為白氣而散四方大小流星縱橫交行至

晚乃息 十一月癸丑大學士翟鑾以守制去位 上所  
賜銀劄書二顆奏進內府一曰清謹學士一曰繩愆輔德  
十二月丁亥禮部奏今年災異地震八星隕有聲三天鼓  
鳴一雷震殺人一火災一山東平山衛民家牛生犢身有  
文前兩足及尾皆成鱗甲中皆毳毛貴州安南衛民家生  
一男兩頭四手四足奏上報聞禮臣復言類奏災異累朝  
舊規歷年以來申飭修省今聖德謙冲似蒙採聽而于臣  
工無所施行將謂 陛下以災異為諱恐非所以克謹天  
戒也 上報以敢不修省仍戒臣工毋得視為故事

兩朝憲章錄六卷終

兩朝憲章錄卷之七

汝寧府光州儒學訓導 臣 孫家渡編述

嘉靖十三年甲午春正月戊戌朔 癸卯廢皇太后張氏

甲寅册立德妃方氏為皇后 甲子總理河道副都御史

朱裳會工部郎中鄭秉聰楊廷偉言孫家渡過河下二支

俱出懷遠縣會淮流至鳳陽縣經 皇陵及 壽春王陵

至泗州經 祖陵夫 皇陵高去河遠無可慮者而 祖

陵東西南三面距河 壽春王陵尤為迫近屢有泮沒今

宜于 祖陵築土隄以遏汎濫 壽春王陵砌石岸以防

衝決此係事體重大不敢輕舉至清江浦口正黃淮合流

之所二河水漲漫入河口以致淤塞沮壞糧運今宜濬使  
深廣而又築隄以防水漲築壩以護行舟皆不可緩往時  
淮水獨流入海而海口又有套流安東上下又有澗河馬  
邏港以分入海今黃河匯入于海水勢已非其舊而澗河  
馬邏港及海口諸套俱已淹塞不能速洩下壅上溢梗塞  
通道宜將溝港次第開濬海口套沙多置龍爪船往來爬  
沙廣入海之路此所謂殺其下流者也河出魚臺雖云利  
漕然未有數十年不變者一旦他徙則徐沛南北必致乾  
涸宜大濬山東諸泉以匯于汶河築南旺湖堤閘壩以通  
漕則徐沛之渠不患乾涸雖他日岔河之口塞亦非所



慮矣從之 二月癸酉兵部以大同亂卒未平又有虜警  
請差給事中六人兵部司官六人分詣各邊召募勇敢以  
資軍實報可 兵科都給事中曾汴言遼事孔棘請令迂  
臣各薦舉將材起都督馬永用之且言團營重務王憲職  
任本兵勢難兼攝今邊報旁午營務視昔加重請改左都  
王迂相提督令憲專心部事從之 己丑大同即中詹榮  
有機畧密與指揮紀振遊擊戴濂等相與血盟討賊乃陽  
命軍校士庶狀詣總制劉清源總兵卻永巡撫樊繼祖巡  
按蘇佑為黃鎮等乞原而陰以榮等謀告繼祖問計所從  
出謂馬昇楊麟為叛軍所逼非其心且昇威行城中今勢

賊亦思自免誠貸其死今討賊自效即賊可盡第須捐  
數千金以募死士耳繼祖許諾以其謀告清源清源業已  
解任欲收後功乃檄制以三千金赴果會張瓚亦遣副總  
兵梁震乘隙入城主事趙書復備以癸酉德音檄示城內  
于是宗室官生人等出城迎震書入諭歡聲雷動其夕果  
麟遂擒黃鎮等九人斬之次日繼祖輕車赴鎮復斬首惡  
許章等二十六人餘無所問瓚至與蘇佑集諸文武將佐  
置酒高會自是大定無不室家相慶 閏二月癸卯蔭前  
江西副使贈禮部尚書許達子琬為國子生 癸丑直隸  
巡按王朝用言屯田舊例私相賣買者軍民皆發極邊充

軍價業沒官行之已久人心帖服近因清軍御史鮑象賢奏請止令首正還主價不入官人不治罪遂致妄肆告爭請如舊例從之庚申金星晝見自去歲十一月至是日光耀與日爭明三月丙申上出御製祭祀記一帛九十八道諭禮部凡內閣府部寺院翰林春坊及諸衙門各令分給四月乙巳先是戶科都給事中董懷理言國初軍餉多倚辦于屯蓋今屯田不興其弊有四胡馬克斥疆場戒嚴時不能耕也牛種不給力不能耕也丁壯亡徙人無以耕也套為虜有虜反居內田反居外勢不敢耕也管屯者猶按籍征賦計非扣減月糧則照丁賠補無屯之利

有屯之害屯何自而興乎必責令各邊募軍給事中會同撫按親歷邊境相度地形某田可以拓耕某田可以設備或創建衛所或增飭垣牆繪畫貼說具奏其屯丁或因土著或募新軍或從附近設法安置給以牛種暫免徭賦待開墾成熟然後收租安邊足用計無踰此塩法大壞其難有六開中不時米價騰貴召糴之難也勢豪大家利權專擅報中之難也官司利罰吏胥侵索輸納之難也定價太昂利不償本取贏之難也下場挨掣動以數年守支之難也私塩四出官塩壅滯市場之難也司塩者因設餘塩以佐之餘塩利厚商困樂從然不以開邊而以解部雖歲入

鉅萬何益軍需乎常考

祖宗時商人中鹽納價甚輕而

鹽丁煎鹽工本甚厚今鹽價十倍于前而工本不能十一何以禁私鹽使不行也故欲通鹽法須先處餘鹽而欲處餘鹽必多減正價大抵正鹽賤則私鹽自息私鹽息則正鹽自行宜定正鹽一引價或伍錢或四錢餘鹽一引或一錢五分或一錢不必解赴太倉俱令開邊中納正鹽給以引目下場開交餘鹽給以小票商自收買每正鹽一張許中餘鹽三四張以盡收為度如此則正鹽價輕既利於商餘鹽收盡又利於鹽末有商鹽俱利而國課不充者也得旨限三月內查報

臣按屯鹽利害關於邊儲至正德末而兩法俱壞邊儲告匱久矣往時談者類皆苟且無當惟董懷理一疏曲盡事情使司屯司鹽者如其說豈非富強之大計乎而終未見其克復舊制豈徇於因循之過乎可慨已

丙午詔旌表神武左衛舍人許紳繼妻葉氏貞節葉氏以家貧夫婦相携投通州探親不遇紳病死于道葉氏守死慟哭絕食十有餘日人往來者哀而饋之食並拒不受竟死夫傍五月戊寅內苑先蠶壇爾成進絲南京戶部尚書許誥卒謚莊敏誥靈寶縣人前吏部尚書進之子志

氣豪邁行誼修潔所著有通鑑前編及書管見太極論道  
統源流雖未臻要理而篤志好學益振其家聲云 癸巳

上召張孚敬李時入見以黃紙御書 宣宗章皇帝閱

輿地畧詩一章白紙御書恭和輿地畧詩一章以示孚敬  
等次日孚敬等具疏稱謝 上報聞 甲午初禮部左侍

郎蒯綰至大同左右隨從悉用大同人宗室軍民迎道訴

官軍暴掠投牒且數百綰絕不問叛軍事衆心稍安有闕

鉞薛源楊月者為叛卒使虜會事平留虜中至是鉞自虜

歸綰執而付之法反側子遂藉藉有流言綰因大集軍民

諭以禍福責其怙亂衆誓無有又有請招源月歸者恐留

虜遣禍綰曰此輩悉庸奴何能為中國患是時諸叛卒方  
挾虜以恐喝內地要中國招之已而聞綰令大沮往往向  
教卒訴虜虐已號泣而去百姓知綰足恃凡前罹叛卒害  
者始靡至陳牒綰佯不應而密以牒授給賑官令陰覈實  
刻期遣卒四捕獲首惡王福勝等有尚欽者曾殺一家三  
人懼不免夜乃鳴金倡亂無一人應者遂被擒綰出未獲  
首惡郭經等名畚形懸榜以捕于是鎮城軍民始欣欣鼓  
舞知不復為誑誤累矣綰乃上疏言大同之所以屢變者  
始由於情罪不明終成于猜疑不鮮臣于王福勝則設法  
密擒以正典刑於郭經等則書名畚形榜示擒捕人患其



急而走虜為疆圉憂不知此輩非能使虜去來今若紹  
使來貸之則失刑殺之則不信不如聽其自逃而執其不  
獲脫者俾其不敢入鎮城斯善矣部覆如議繼又疏編次  
保甲令其互察奸宄仍立社學令軍民子弟擇師以教作  
興禮義之風以潛銷非僻之習部以所奏實防奸彘俗要  
務從之

臣按邊鄙之內叛卒縱橫虜情叵測故軍民無所倚  
互有從叛卒者叛卒有所助互有喝軍民者苟不得  
其人以控制之則内外交亂何有紀極大同川原平  
衍逼近套虜而虜易入寇最難守者前無論已即嘉

靖元年以告糧之故而致衆之譁譟提督欲徇之兵  
部欲撫之卒從提督時猶情罪易明而猜疑未起也  
黃綰一至軍民投牒以訟叛卒矣叛卒使虜以危軍  
民矣使其先問叛卒則從叛者人皆自危將鼓衆以  
為亂又使誅叛不密則首亂者各有固志將歲月之  
淹留未可旦夕底平也緡則始而不准投牒既以安  
衆人之心終而密授賕官遂以得首從之實首惡者  
誅之未獲者面形以捕之使虜者不退而聽之卒之  
王福勝授首韓深楊川號泣而軍民莫安昔人所謂  
處置得宜能服其心也繼又編保甲立社學令奸宄

無所容而軍民漸消其非時是只得防禦久安之策者其大同之長城乎今寧夏之亂非大同比前有黃河後枕賀蘭其險何如也果陽哮賊智勇兼全其黠何如也鉤引北虜套虜為左右手非薛源楊川為虜所暴虐者其勢何如也中國乃泄泄然曾無如綰之鎮靜如綰之密謀虜以計欺我而遽欲撤兵寧不抱杞人之憂乎

六月丁酉總制三邊唐龍奏二月間虜囚吉囊脩答入犯延綏副總兵梁震等帥師敗之于偏頭關斬首五十三級奪獲甚衆上嘉諸臣勞勲命賞龍等有差已亥西苑

等奏南京 太廟災前後殿及東西廡神厨庫俱燬 上  
曰南京祖宗重地宗廟尤重朕聞災變不勝驚惕諸司有  
事開修省者各條具以聞 七月丁卯 上以南京廟災  
是日子刻行告天禮於殿陛畢即詣太廟恭慰神御 先  
是 上諭內閣曰慰廟之禮有謂必待擇日齊沐乃可舉  
行此禮之常者今因災而祭禮之變也譬之人或遇災子  
必奔諸父母所以慰安之奚待正衣冠而後行卿等宜知  
之 丁丑先是 上諭內閣曰祖宗御容寶訓寶錄宜有  
尊崇之所命內閣同工部諸臣建造南內 上親臨定制

如南京齋宮用磚石圍蹇閣上奉

御容閣下藏訓錄

八月乙未直隸巡按李禩奏鳳陽連歲旱疫民多亡徙請  
勅有司查勘荒田招集流民給以牛種督勸耕墾仍免其  
逋負歲稔則量加賑濟戶部奏墾田勸課之法宜通行天  
下從之丙申先是各邊鎮守太監及總兵等官俱有養  
廉地土已奉旨退還時武定侯郭勛請仍給之大同巡撫  
樊繼祖言前項地土給民佃種徵租濟邊不得復與從之  
直隸巡按李禩言江北之軍有京操而無漕運江南之  
軍有漕運而無京操獨鳳陽軍衛且運且操勞苦為甚且  
陵寢高墻皆在其地而又無城池之限其見在巡守者僅

二千耳卒然有警誰與禦之請遣鳳陽八衛京操三分之  
一以備緩急報可 丁未召禮部尚書夏言至平臺令宣  
示各衙門議南京建廟事宜衆議以南京原有奉先殿其  
朝夕香火自當合併供奉如常從之 九月丙寅初 上  
于文華殿後建九五齋恭默室為祭祀齋居之所至是訖  
上命輔臣以詩紀其事張孚敬李時各上五言詩四章  
辛未 上擬建九廟議卜太廟南左為三昭廟與 文祖  
世室而四右為三穆廟 上以世室當隆其制夏言等議  
世室前殿視群廟崇四尺有奇寢殿視群寢崇三尺有奇  
上報允 十月辛酉真人邵元節得請馳驛還山中遂

奏魯橋驛驛丞矯抗李員外縣內閣牌復為其舟人侵侮乞賜懇究上命錦衣衛逮驛丞及李員外赴京聽問李員外者大學士李時弟暉也元節為不知者而奏之時上章引罪言舟中乃臣婿如臯縣知縣劉永準遣送臣女舟也女痼疾思歸因弟暉之便遂以附之而家人無知輒懸內閣牌臣雖不知臣之罪也上令安心供職元節復上疏乞賜臣退伏山林得旨卿毋以小人欺辱之故遂違命命選風力官齎勅促令就道仍令撫按趣之

臣按李時輔臣也元節術士也李暉輔臣之弟部屬之吏也古云鼎鑊尤有耳况暉為手足乎元節恃寵

凌人敢干疏効而于驛丞乎何有以是知左道之人不可輕寵而元節無知乃一至是也終之去其封號而削其屬籍則一時之榮何足恃焉

十一月甲子兵部覆侍郎徐問奏陳武備八事一預畿兵以重聲勢言順天所屬霸州文安等處人多勇悍諳弓馬間聚為寇宜令有司籍為鄉兵給以器械而時時操習之有警具奏調用無事不得差占二練外兵以為羽翼言山東山西陝西等衛保為直隸而設德州寧山潼關是也承平既久徒存虛名宜令清查其間逃故者勾補老弱者汰去而以丁壯者分為二班募教師訓練擇人統領三防制



達官以需調用言保定各衛達官雖服王化夷性尚存宜  
令巡撫加意撫恤不必拘以常操而于霜降開操之日試  
其武藝量加犒賞即有小警不得輒調旣以消其携貳之  
念而又畜其敵愾之勇四區處屯丁以防虜患言宣大陝  
西各邊近郊荒棄屯地宜查勘種地丁民有城堡頽壞及  
近處丁少可併者亟為合併修葺五經畧邊關以防黠虜  
言居庸紫荆等關皆虜所窺伺者乞勅諸臣躬視險隘有  
傾圯低薄者隨時增繕六韞策武臣以冀自效言軍職有  
犯常人監守自盜律該斬絞者俱發邊方立功此例但當  
行于腹裏地方若宣大陝西有犯不必定發他處俱聽軍

門酌量聲息調遣殺賊有功即與末減屢試不效乃從重  
治七專責委以杜聚寇言兩京諸省設兵備江防海道等  
官以弭盜近來趨承撫按營理他務以需遷轉宜令于原  
設要地駐劄簡練兵勇聯屬保甲以弭盜安民為功不得  
仍襲舊弊養寇成亂八專內治以杜釁端言兩廣雲貴蠻  
夷盤據常為爭忿守邊將吏不能撫馴遇有小警輒議征  
勦往往賊未得而貽毒于民自今宣威示信一切自治而  
慎防之如各夷自作不靖在兩廣則行鵬勦之法在雲貴  
則行招撫之法如貪功幸事擅開邊釁者罪無赦 上允  
議 丙寅 上諭張孚敬曰九五齋書軸未成精一堂碑

額未懸令東室繪敬一二字及誠意正心四字西取漢文  
帝止輦受諫唐太宗納魏徵十思疏為畧于是孚敬等恭  
詣恭默室觀龍馬神龜丹鳳三圖復譔賜觀文華殿頌及  
詩以進上優詔答之辛未上在南郊齊宮自製大報  
歌一章出示大學士張孚敬等命和贊佐戒進之辭孚敬  
等恭和之留覽辛未初郭勛以張末故有憾楊一清乃  
乘霍韜劾奏一清使永奴朱繼宗告永弟容為飛語流禁  
中容與一清俱得罪繼宗宥不問自是告訐之風遂熾容  
被奴告者三郭麒麟思以傾容主使閭紀令其清奏後從重  
問報中外大悅而告訐者少衰癸未侍讀學士廖道南

進九五齋恭默室頌二通因請御製詩文增入廟典從之  
甲申輔國將軍成鑑上疏言雲中叛軍之變實貪官酷  
吏激而成之乞清仕途誅貪酷疏甚剴切下吏部覆奏言  
今日之弊誠有如成鑑所言者自今撫按考察各屬務自  
行體訪毋得假手雷同所註考語必鑿鑿據實如其貪必  
指其通賄科罰之跡某酷必指其非法虐害之刑某賢必  
著其奉公守法之畧某老疾罷輒不及不謹必書其誤事  
廢政之由庶可得其實美得旨允行

嘉靖十四年乙未春正月壬戌朔召輔臣張孚敬李時武  
定侯郭勛尚書汪鏊夏言至文華殿示以御製元旦詩一

章命賡之

甲子

上以天降瑞雪諭閣臣暨禮官云今

日欲與卿等一見但蒙天賜時玉耳禮部尚書夏言言以  
時玉語雪實前所未道足為文訓因作天賦時玉賦以獻  
上曰卿賦以重君言具見忠愛 壬午 上諭張孚敬

曰今擬建

文祖廟為世室則

世廟字當避孚敬曰似

不可改文世室須別為名耳計曰古者祖有功宗有德世

室稱太宗廟最當其餘群廟不用宗字

上曰群廟何稱

孚敬言皆以為當用本廟號他日遞遷更牌額可也時曰

不若用昭穆字若曰昭一廟昭二廟昭三廟穆亦如之免

遷易牌額

上以為然欲加一字為昭第一廟復問孚敬

言如何二臣謂仍用本廟號為重從之 二月乙亥始分  
建九廟改建世廟遣武定侯郭勛行祭告禮奉安祧廟神  
主于奉先殿 丁未直隸提學方一桂請禁革冠服之非  
制者 上嘉其言詔出榜曉諭但有犯禁并製鬻者即執  
送法司問罪 己酉編修唐順之請回籍養病 上曰順  
之方改史職又屬校對訓錄何輒以疾請令以原職致仕  
永不起用 庚戌禮部以人行莊肅皇后謚為請 上命  
會議爭欲以為宜用二字四字夏言李時以為太少王忬  
相以莊肅作配武宗似應一體覆緝以為累朝事例今日  
所當遵 上不悅以事嫂無如事母之理再議遂用六字

孝靜莊肅惠安毅皇后

臣按武宗君臨十有五年而莊肅皇后與之母

議天下今其薨也遵累朝之例為一體之規如王相霍論所議是矣即如季敬繼統不繼嗣則大統皇后獨可議減乎二字四字與六字皆在皇后之下字可減則皇后亦當別乎季敬知縫世廟而忘武

宗似不可以為訓也觀世宗他日之言曰即用十

二字何害乃至子禮部爭辨則世宗固已心非之

三月丁卯上日講畢召輔臣張季敬李時見于文華殿

兩室因言今年選庶吉士只用一人教習時曰此須重有

德行者不必專重文學。上曰：有德行者方可為人師範。文章是末藝耳。時因薦學士蔡昂。上問前顧鼎臣教習如何。曰：老成傳當。上復言：六部也須得人，而吏部都察院尤為緊要。因博議諸臣，謂王廷相好梁材，甚正，聿賢尤。德秦金覺已衰矣。復言：汪鉉事無定見，昨考察未免虧人。卒敬曰：鉉近在部，時與霍韞爭辯。上曰：鉉終達事，且看顧作尚書，部事須盡壞耳。時因請舉先朝午朝之典。上曰：先朝仍有晚朝之儀乎。敬曰：午朝驟難復，不若時常宣召大臣于文華殿質問政事。時曰：不但質問政事，亦可知人賢否。皇上天資英明，臣下有一言欺蔽，無不覺者。臣



等亦在厠侍班

上曰也着科進官侍候廷試後舉行

臣按庶吉士之選為儲輔計也使教習者徒以文辭為重則所得必非厚重之器午晚朝之設為諮訪計也使侍班者徒以大臣為能則所議必多遺亡之失我世宗以德行者可以為師範而於科進官亦欲同侍其見遠矣昔成周輔相左右前後要皆正人而問其為職則惟德義唐太宗令諫官隨宰相奏事有失輒諫意正相同蓋有得于古帝王之懿訓乎

丁丑上以祀天重器始成召輔臣同赴重華殿瞻看命各為賦以紀之曰奉制紀樂賦上親灑宸翰作紀樂同

述詩一章序一篇鉞請命名刊布上欽定為御作詩

武定侯郭勛吏部尚書汪鉞數以事相左遂成隙上疏相

攻上手諭勛褒其祗慎勉其協恭以稱簡任於鉞則責

其動有紛擾甚負委任仍以自今宜親君子遠小人勿效

前為戒之辛巳大學士張孚敬以疾給假上曰孚敬

欲求靜養非盡屏諸事其可能靜乎時曰此末疾也刻日

可愈上曰孚敬閣中專決卿與爭否時曰機務至重臣

豈敢不爭第孚敬至剛一時難入比委曲講究卒亦未嘗

不從上曰昔楊一清言彼性是如此且如莊肅皇后謚

號即用十二字何密乃至於禮部爭辭時曰孚敬亦止以

弟嫂與子母不同亦是忠愛 上曰忠愛固然不無執拗  
耳且彼不愛惜人才所以多恣茲內閣缺人朕欲取舊老  
費宏來與卿相處如何時遜謝稱善又問太倉積貯時曰  
聞頗充贏由革冗員多也 上曰此是即位詔書所革乃  
楊廷和之績不可泯者廷和殊有才第非補弼器耳 甲  
申寧夏鎮巡張文魁等奏虜囚吉囊餘黨等糾集大眾于  
河西花馬池等處住牧意圖入寇本鎮興武營併延綏乾  
溝一帶邊牆俱應修築第該鎮官軍勞憊已甚不任興作  
乞照楊一清議量起內郡民夫充役及發帑銀濟用更調  
鄰鎮兵馬併力備禦報可 四月辛卯張孚敬以疾在告

上遣中官齎藥餌及手札諭之曰昨李時具言卿病苦  
狀朕惟近古之君有剪鬚療大臣疾者朕居常合藥數味  
自飲輒效茲為卿擇清心寧神驅火保肺者為一服以此  
得愈庶慰朕念亦見朕意 乙未初薦新麥于內殿賜百  
官麥餅張孚敬等時奏曰四月八日例賜百官不落夾者  
相沿佛氏之說于禮無據及考月令是月薦麥寢廟蓋重  
五穀之先以薦新也茲蒙 聖諭仰見 皇上據經拆禮  
不因故習得先王遺意可垂萬世請着為令 上許之  
先壬辰 上親策貢士於奉天殿至丙申錫貢士韓應龍  
等進士及第出身有差是日讀卷畢降 聖諭曰其止一

卷正合題意夫周道善而備朕所取法其上三卷說仁基  
之禮成之亦甚得其意其上四卷論仁敬夫敬而能仁可  
以保治矣其上二卷泛而滯于行其下二卷却譙雖與題  
不合然言及時事故朕取之可二甲首是科所得孫陞趙  
貞吉教銑馬從謙薛應旂劉繪王維模曹亨

臣按史臣謂自有制科以來朝廷策士未有親承聖  
問躬自披閱如是舉者夫制科之策乃臣子見君第  
一義是先資自獻以成其信者往時皆出于廷臣所  
評然不若聖明親問親閱可以裨啟沃而廣設施  
世廟經筵日講義理漸融政體漸熟故評品各得

其當吁學之有係於君也大矣

乙亥遼東巡按曾銑按部聞遼陽軍變亟行副總兵李鑑  
捐榜安撫凡衆所不便者悉罷之命將吏督諸軍操守如  
故于是亂軍稍稍就約束城門始開遊擊高太恩自投干  
獄銑遂按遼陽分部將士肅城守九門非時巡警懲其飲  
酒譁喧者遂叅都指揮劉尚德逢迎呂經失撫字狀而為  
亂軍乞原都察院以銑議欠當欲求為首者以正其罪兵  
部終以銑議為是請即懸榜安諭操備如故其開端數人  
聽巡按查實逮問 上從部議 丙午遼東巡撫呂經既  
得報還入廣寧治恭不都指揮袁璘素誦事經擬扣諸軍月

糧草料為飾裝其悍卒于變。然卒但遼陽前事鼓衆倡亂  
知繫獄張孝兒怨經迺劫出獄率衆持挺排院門而入執  
經數其罪同娼婦桎梏之凡公牒私篋縱火執之延燒公  
署及儒學俱燼取經窘辱備至復繫于獄遂脅管糧郎中  
李欽昊及鎮守太監王純具奏侍郎黃宗明言前者遼陽  
之變固生于有激今重複苦役皆已改正矣乃覲然而起  
誰復激之此于法不宜復寬貸請令新巡撫韓邦奇審其  
壓境取其首惡兵部請遣官逮經及有罪者下御史逮問  
止邦奇毋行是時撫順指揮劉雄因培克欽怨亦為部卒  
王經等所囚衆脅指揮童震等以激變聞帝始徵指揮胡

承恩代雄衆軍操守如故 庚戌改遷功臣姚廣孝牌位  
于大隆善寺祀典仍舊 癸亥增設七廟樂官樂舞生

致仕都察院右都御史鄒昊卒昊寧夏人爲御史時忤逆  
瑾降真定府推官瑾敗陞四川僉事督兵勦藍廖等賊于  
大垣山以功累遷四川巡撫達賊犯松潘昊擊走之加俸  
一級又以討平獫蠻普法惡及松潘番端竹白等功陞右  
都御史蔭一子錦衣百戶後坐天全土官高繼恩與民爭  
地讐殺事御史黎龍劾吳逮京下獄今 上登極釋獄復  
職當時名臣如楊一清胡世寧李承勛皆薦其可當大任  
而不爲新貴用事者所喜故未盡展其蘊云卒賜祭葬如



例 甲子先是戶科都給事中曾懷理奏理鹽法至是都御史馬卿周金各議餘鹽裁革不如收買為利官買不如商買為便解價不如開邊為益照票不如開引可行或以餘鹽不可過額引目不可增刷鹽銀不宜解邊于是戶部覆言朝廷設立鹽課正引各有常規餘鹽原無定額遇私販以通官鹽乃祖宗立法之正假額課以濫餘鹽寔今日救弊之宜欲革餘鹽則商竈俱困而私販必至于盛行倍收餘鹽則旱澇難齊而邊引不免於壅滯夾帶餘鹽律有明禁增刷引目則于祖制有違中鹽自有引目別立票照則與引目相背官為收鹽不若聽商收買簡易可行若真

蓋數開逸切恐天時人事不同將來難然議入從之  
再錦衣官校逮呂經者至廣寧諸軍挺駕帖非騰黃是詐  
為以脫經復躁亂擁經併官校悉置廣寧獄總鎮等官諭  
以禍福乃出官校越二日巡按劄銳遣人宣示諸軍始出  
經付官校行于是銳乃劾諸軍及總鎮等官疏下兵部議  
侍即林庭樞請親詣廣寧訪捕報可 六月庚子太常寺  
卿張鶴請設特鍾特磬以為樂節官縣以備古制候元氣  
以備鍾律禮部以特鍾特磬所謂金聲玉振也誠宜時設  
至宮縣古制廟廷未便不得再更惟候元氣則為作樂之  
本謂築室園丘外垣隙地選天文生知曆候者往相其事

待有次第委官考驗從之 癸丑啓祥宮成侍講學士廖

道南撰頌以獻 上優詔答之 七月辛酉欽使戶部尚

書李瀚卒瀚沁水人以風裁自持不畏強禦所至以嚴正

見憚然持法平恕人亦無怨言卒贈太子少保 己卯御

史魯朮戴銑論劾南京兵部尚書唐龍刑部尚書蕭賢戶

部左侍郎張雲刑部左侍郎陳璋工部左侍郎牛為霖大

理寺卿王綏國子監祭酒吳惠南京太常寺卿沈光弼肅

巡撫趙戴各不職狀詔覆議稱龍等皆舊臣無大過宜留

冊 上覽之不悅召大學士李時諭之曰年來言路不開

外庭咸歸罪于張孚敬殊不知科道官陳奏大段多私今

獲此疏亦私意也時曰吏部是愛惜人才上曰人才固當愛惜須有分辨安得盡舉所効而褒譽之且麤龍何如人也時曰誠篤上曰第遲鈍耳南京叅贊果非所任可召歸令掌詹事府聶賢何如時曰無過上曰賢老矣與陳璋沈光俱覺衰老宜令致仕聶賢宜令自陳以全體貌上又問王純何如時曰清介第過執上曰過執則幹事不通昔任湖廣朕自謫却知之蓋亦何瑯趙末之流留之無用時曰恐公議未允上曰如此則外調之上後諭及張雲謂誠懇耳為雲謂有材趙戴謂無過上曰此三人悉留用上又曰吳惠雖無華國之文然亦不甚

忝厥職此可調南京翰林院中用之翌日遂詔璫等敘  
壬午遣中官齎手勅賜大學士費宏宏疏謝言朝政莫  
先于用人而進退為最重民物必在于寬恤而守令為最  
急惟聖明特加之意臣尚當日有所陳上曰覽卿日  
有所陳之言深慰朕心凡事卿當獻正閉邪匡朕不逮

臣按嘉謀嘉猷入告于爾后此輔臣職也我世廟

勵精圖治孜孜弗及惟恐正道遠而身陷于邪一聞  
費宏日有所陳之言不勝欣慰而尤異其匡救古帝  
王虛懷延訪之誠不是過矣宜其赫然中興也歟

甲申遼陽廣寧亂卒趙剺兒于蠻兒聞侍郎林達標將至

自懼不免合謀脅衆為亂俟迎柩至開城門要赦恩及給  
賞如大同例巡按魯鉞密刺首惡名潛授方畧遼陽令  
總兵李鑑等廣寧令備禦韓承恩等撫順令備禦胡承恩  
等刻期擒捕于是劉兒蠻兒及王經等同日被獲鉞因具  
奏言遼東之事其始也因激而倡亂雖無素謀其既也負  
罪而逞兇漸成不軌大法不可假情不可縱往者陝西兵  
變未幾而大同效尤說者曰大同之變所以虜陝西之變  
者啓之也大同殺參將巡撫未幾而又殺總兵說者曰  
李瑾之變所以虜稽文錦之變啓之也蓋小醜習于耳目  
自謂凌辱命臣賊殺主帥不過如此我軍何忌焉今當會

議欽差大臣覈實悉從重究母事姑息則義行而仁益篤  
矣詔如鉅議謂鉅設策弭亂忠藎可嘉伴有京缺陞用  
乙酉吏科給事中楊傑言革除之變若鐵鉉張忱陳迪齊  
泰卓敬胡子昭景清練子寧黃子澄方孝孺均能以義自  
裁宜各追贈錄其子孫夏言以齊泰黃子澄誤國有罪之  
人傑不識忌諱寔難准議上責傑姑宥之

臣按殷之頑民周之忠臣也齊泰黃子澄忠于建文  
以死自誓氣節貫日月盖耿耿不應者迄今百有餘  
年正當追魂錄後如楊傑所疏者迺夏言以為不識  
忠諫而且目為誤國有罪此為誤國誰為愛國此為

有罪誰為無罪不惟無以表幽魂而且無以激後世

宜後之不得其死也使如言所議則成祖嘗言黃

子澄若在吾當用之豈有欲用干成祖之時而顧

忌于世宗之日者耶人以言為知禮臣以言為禮

八月庚寅上召大學士費宏至文華殿右室賜銀書

一諭以盡心供職有聞入告賜白金五十兩大紅紗麟衣

一襲丙申上初諭禮部尚書夏言曰朕宮左右小殿

東貯冕弁西藏書史欲懸以牌卿其擬名來聞言恭擬左

曰端疑右曰懋勤上覽而悅之曰卿所擬取端冕疑旒

懋學勤政意義甚善賜以金帛庚子先是貴州鄉試附



于雲南道里不便禮科給事中田秋建議欲該省開科雲

南四十名貴州二十五名 乙未 上御無逸殿東室召

費宏李時至曰今日閒暇朕出遊召卿等來發幾君臣同

遊之意因命出觀東壁書無逸篇北壁則 是考所作農

家忙詩 上跋其後述王業以農功為重臨風亭東壁書

七月詩北壁則 上所咏臨風畱長句東西小亭二碑

上自製文述創業殿廷之故而自儆尤切 上曰朕志在

恤民即今工作亦非得已如四郊七廟奉天奉祖兩宮等

皆當營建過此即無事矣宏曰三邊今缺總制臣敢薦一

人 上問為誰曰姚鎮往在延綏甚得士心時曰鎮處兩

廣亦是後來王守仁却未是

上曰守仁徒虛名耳遂陞

鎮興部尚書仍兼前官時曰遼東頃用馬永甚好宏曰聞

家丁三百餘人皆善騎射甚驍勇上曰將須文武兼資

不專在勇時曰然遼東初定須用有才智者如永甚好

上又言西海水神祭于道側非禮令宏等相北闡口設祠

宏曰上無時不敬與堯舜同上曰堯舜生知豈朕可

及但敬者聖學始終之要朕猶未盡宏曰此不自滿假即

堯舜之心也宏因勸上保養聖躬上曰在清心寡慾

又諭恤民在用賢宏曰聞上昔與李時夏言評品群臣

甚當上曰朕在內僅得其似耳卿等有見不可不盡

簡用或未當仍須執奏時曰頃因至京舉朝欣幸上委  
任耆舊至治可成上曰舊臣止鄉及宏在時等謝衰朽  
不足以副眷用上命賜酒飯出遂起鉞三過終制尤  
月己未罷吏部尚書汪鉞下給事中薛宗鑑御史曹鼎  
詔拷訊降給事中孫應奎御史魯達等各一級調外任用  
先是宗鑑應奎交章論鉞姦邪誤國擅立威福乞賜顯斥  
鉞上章自理上慰留之鼎達相繼復劾之不聽上召  
費宏李時諭曰鉞九卿之長被論如此何顏復立朝班二  
臣以大工未完請留之上曰鉞邪佞詭隨留之無益第  
言者不已而鉞又不肯自陳如國體何二臣遂以  
上意

諷鏐鏐始引疾賜還乃出曾琳等疏責諸臣迭扶降級有  
差 十月辛卯南京禮部尚書湛若水奉命祭告 祖陵  
因獻 祖陵頌十章詔留覽 壬辰錄平遼陽廣寧功陞  
巡按曾銑為大理寺右寺丞賞銀二十兩紵絲二表裏餘  
賞有差 戊申少師費宏卒詔贈太保謚文憲宏鉛山人  
當正德中入內閣與東陽楊廷和輔政時四方群盜充斥  
以次削平宸濠請復護衛特錢寧為內援略遺狼籍宏策  
其必叛執勿與濠深憾之以計傾焉宏遂去 上即從首  
詔召宏進少保入閣修翊戴功加伯爵蔭一子錦衣衛指揮  
宏懇疏辭免時水旱相仍宏條陳冗荒十事 上嘉納

之又請蠲逋負減太僕馬價十五以輕費之美給漕卒  
安太同叛軍皆宏謀也 上嘗製咏春詩及四景詩屬宏

和 上自序其端名曰咏春同德詩題其末為內閣掌參

機政輔導首臣其見任如此丁亥以疾去改稱孚敬歸起

宏于家內至見便殿 上親勞之賜書一文曰舊輔元

臣時時燕見密議奏對皆稱旨無何卒 上痛悼輟朝卹

典之厚諸大臣莫得比焉宏恭慎謙抑明習國家故事能

持重得大體故三入政府以功名始終云 庚辰以科道

缺人疏請行取內外考選得旨以給事中御史乃朝廷耳

目之官通年所選多浮薄新進之士輕率妄言有乖政體

今次務求醇篤老成諳事體者

臣按耳目之官凡朝政得失生靈利病皆得指陳韓

愈所謂言行道亦行者彼浮薄之士喜紛更苛刻之  
政新進之徒無博聞廣覽之知國家其何賴焉我  
世廟欲以醇篤老成諳練事體者充之醇篤則存心  
忠厚老成則持重不苟綰練則機宜周密使朝廷養  
和平之福而宇內享奠安之慶者必斯人也旨哉乎

十一月庚辰孔子之後在衢州者曰彥繩正德中世襲翰林博士在儀封者曰承寅緣彥繩例詔授學正奉祀  
十二月戊子河南巡撫簡霄上言田既丈量則貧民有糧無

地者得以免賠償之苦而富民有地無粮者難以遂欺隱之私宜熟議其便除未經丈量者照舊徵派外丈量已定悉從新制中間若有富民增粮過多屢行懇告者委官查勘屬密或將欺隱田地丈量均派或將減瞒等則量與增加或將輕減錢粮量移抵補務使貧富適均不至偏累戶部覆議從之請通行天下但有詭寄兼并者告發改正不許一槩丈量致生紛擾

兩朝憲章錄七卷終